

四庫全書

集部

欽定四庫全書

集部

倚松詩集

目錄
卷一

詳校官庶吉士臣初喬齡

侍讀臣孫球覆勘

覆校官中書臣呂雲棟

校對官編修臣汪鏞

謄錄監生臣翟顥

欽定四庫全書

集部三

倚松詩集目錄

別集類二家

卷一

古詩上

李太白畫歌

送故人

送傅仲默登第歸麻姑

送善權歸豫章

石魚行贈靈壁張氏

向居卿所藏靈壁石歌

阿智歌

寄夏思道惠示縑帛

送梅郎一首

鄰居遺湯沐浴

趙元達婦孕不育後數日其猶子生一女子

二子皆有戚戚之色戲作此詩開之

贈陳侯一首

立之作詩譏僕沉浮於酒次韻答之

送彭淵才如北都

賦王立之家四梅

春日飲王立之家同賦三頭牡丹依次定十

韻節得牡字

士大夫湛於不義雖窮極富貴君子過之弗
顧而況女子失身於委巷容笑之賤亦豈

能自拔哉吾友人賦歎息行有謂而作諸
人既屬和僕亦擬古樂府為辭傷之於其
末閒之以正是亦詩人之志也

次韻劉無言遊法雲寺

為謝無逸賦陳氏貫時軒

次韻李二

次韻呂由義見贈之什兼簡若谷居仁

次韻劉時可劉將赴宣州幕

次韻謝公定時夏均父招諸客泛舟遊百花

洲

灌蘭一首

約方時敏楊信祖二子同過王立之觀立之

所集前輩詩文各以姓

蓑室詩王立之為宗子求

秋蚊行

戲汪信民教授

歸來怨

得交行贈王立之

雨小霽登南寺閣

上范謙叔左丞求退

賦劉仲高高齋詩

永處庵詩為蔡仲志刑曹作

送莊季裕宣教

送趙廉訪

韓升之主簿惠示襄陽雜詠詩淳深高古吟
諷不置輒用寂後書懷贈彥履韻以釋其

意

張執權主簿同二知縣大夫入山作詩併以
見贈亦次其韻

青原臺

贈道士張謙中

英遊閣

為卿曇輔作一枝庵

止止堂詩送仁禪者徧參

送慧林化士

送不愚兄香巖行

鈍庵詩為印長老作

寄趙季成鈴轄

送宋秀才

送江南景喜上人

次韻卿山主解嘲

豫章寶智上人持高子詩求和

贈卿書記

潤屋軒

錢塘清照律師芝草出其墓上為作此詩

次韻呂無求同泛汴水

次韻呂居仁送李肅老兼簡李去言兄弟諸

同參五首

次韻答曾仲成二首

養志堂詩為襄陽吳傳朋通判作

呂無求以詩堅同舟為嵩山之約次韻報之

閱舊詩軸見夏均父和晁之道詩次其韻寄

伯容仲成均父諸友

虛舟齋詩為王深叔作

和周提刑樂歲詩

次韻酬潘庭立儀曹見贈之什

杲道人屢聘不起用庭立韻詩開之

元輝上人喜賦詩作東坡字蕭然有出塵之
姿渠亦用韻有作且乞詩為別因再次韻
贈之

修上人出覺範送行詩言別因次韻餞之

望雞園

用蔡伯世韻作詩寄之兼簡呂居仁兄弟十

首

示故人

次韻應銓詩

客舟

卷二

律詩上

王信玉生日

九月六日駕幸蔡王府

過關山用同行韻

遇里人道及鄉閭事作詩寄謝無逸

謁漢高帝廟

贈霍明文偉

次韻張符離民師適堂即事

汪信民約諸人遊城南陳氏園不果

贈隱君

次韻彭聖從秋興

題滄浪亭

次韻米元章壯觀

端午日二首

山居

送王長元同弟次元赴官

蒲適正挽辭

息慮軒

歲暮

送宿州晁祖禹簽判

九日發淮康

秋日遊城南展氏園登閣

製藥

麻城道中

過淮

從人覓山水扇二首

偶書

自簡

以太學燈籠遺陳松老

聞說

鄰雞

久雨偶晴見日

趙元達久不至池上作詩戲之

再用韻

書天源河上友人壁

次韻答陳考城

為謝無逸賦梅花二首

戲趙元達

冬日書謝氏園壁

卧雲堂

聽松軒

觀魚閣

快目亭

病中兩絕句

春日即事二首

送同舍葛茂達還浙

次韻呂原明侍講歡喜四絕句

尋梅二首

寄曾伯容

次韻呂居仁共二首

虞姬墓

霸王城

病起觀垂絲海棠感慨作二絕句

律詩下

用海印和尚韻和吳提刑遊山頌

用前韻示謝公定學士

用前韻示官人

同前韻示同參

答惠海首座五首海乃圓照禪師小師

喜官人悟道

閨人蒲君錫提舉參老師悟道唱和四首

別用韻寄諸同參

寄夏均父二首

海印生日

同廣德和尚及諸禪伯遊山有作次其韻

再次前韻

次韻答呂居仁

再次前韻

吾友汪信民博士近聞參道甚力昨日得書
云喪其偶其言耿耿有不釋然者因寄此
頌開之且挽其進

龜山戲贈諧文章

次韻呂無求入山會宿北窓

無求用前韻作雪詩見寄亦次其韻

贈靈巖德雲庵主

德雲庵

次韻鑑碧軒

再次前韻

楊梅

次韻

戲乞石菖蒲

次韻卿山主梅花

送廣上人

再次韻關子開

用前韻答呂無求

用前韻答湛長老

次韻孫嚮仲自靈隱歸餘杭二首

送以照上人

次韻靈隱小軒

次韻答劉通判二首

晁以道贈楊中立詩有談禪詆毀之語蓋以
諷予因用其韻解嘲且開之云

全宋文卷之八
目錄
用曾伯容韻贈不愚兄

贈伯容

和不愚兄庵頌三首

用朱元方韻寄深明郎中二首

送曾伯容還漢上

次韻鏡上人三首

改德士頌五首

法門復故聖恩深厚矣自此恐雲巢不能久

栖當為衆一起承示佳句因用韻備載之
不愚兄再示佳句如璧亦重用來韻

比復僧相不愚戲作三頌恐傍觀以謂吾徒
實有喜愠故復次來韻不免道破兼寄祖
禹同參道人

再次韻且名遊山

適承再示佳句亦強勉再成一首

昨日一詩乃是見贈亦復次韻為報

復用韻成一首持作狡獪爾勿謂吾作夢也

想當一笑

復用韻自詠倚松一首

昨日承佳贈浮實甚矣謹再用韻酬贈

復用前韻寄伯容兼其三子

再用韻戲作二庵圖

不愚兄示上元佳句謹次韻為笑

再次前韻

再用韻戲紀山中之勝

用韻奉贈巢雲兄

老懶一首亦次元韻

均父約去年十月還襄陽今已二月矣尚未
聞漢上消息因誦舊寄渠詩二首用其韻
寄之

次韻趙承之殿撰二首

田熙載比失解留詩別承之殿撰承之用其

韻以寵其行如璧亦次其韻

捫蝨新籬

次韻湛老菖蒲二首

劉仲高儀曹左顧林下重話十年之別作詩

見贈次韻

再次韻

山居雜頌七首

再送不愚兄二首

送本覺上座

蜜蜂頌四首

寶誌禪師梁天監中將入寂然一燭付後閣
舍人吳慶慶以事聞帝歎曰大師不復留
矣燭者將以後事囑我乎頌

次韻護公首座贊廣德磨衲升座五首

送泐上座如餘杭刻慈覺老人語錄五首

蔡伯世呂隆禮敦智李肅老求頌二首

偶作

臘月八日送塵禪者在長蘆

送池州諸化士四首

荅惇上人七首

雨中同無求遊龍山勝相觀丈六金銅像歷

諸小刹無求作詩紀事次其韻三首

上竺知客肇師示蘓仲豫參寥唱和韻秀堂

二絕句求和因追次其韻二首

師節受業師慈慧公善草書得海老琴訣之
妙以醫隱於會稽比以草書四詩招師節
歸山師節次其韻報之余亦為賦四首

送印大師參靈峰卿老

乞石菖蒲

蜜蜂

次韻贈高致虛四首

送通上人為長蘆行乞

送玘上人

偶成

謝人送石菖蒲

長老欲敲去竹枝透風作涼以頌止之

題宗子趙明叔盤車圖後

漢上示衆

眠石

王通判雪中來訪以頌謝之

晚起

雙池通老以笋見遺發之皆腐矣作頌戲之

閨老求席因以戲之

謝洞山和尚惠萋蒿種

和曾伯容梅詩二首

待不愚入山未至

謝扶上人裝毗盧像

江上

送化士

送張師哲秀才出山

張師哲求襪樣

榮大師昔從余出應天寧後為洞山古羊副

莊往來稱之因作小頌為寄

送璞和尚出應雙泉之命

檀越許分一株素馨見贈作小詩速之

贈賴昌府化士

應上人作法華佛事過余求頌為作短偈

謝徐通叔

寄馮大辯二首

送雙泉祥璣頭

送古上人化漆金州

再送古上人

贈相師

常上人還鄉省視其師

次韻周提刑出鄧鄮五首

過厲山驛

過漢東

棗陽值雨

普照寺觀竹

偶作

次韻答周提刑二首

次韻春日寄山中故友

別草庵

陳道人世緣不順隱於術餬其口於四方云
將復如京師乞憐於輕財重義之士冀或
有憐之者因其求頌為作短句

寄襄陽求天麻圓

洞山宗禪師欲刻五百大阿羅漢又建大閣
居之其門人欽上人實領其化緣事為作
小偈送之

贈皇甫道人

薔薇

贈熊正臣

和劉仲高過虎溪絕句

和愚和尚梅頌

曲留仲高

戲邀道人觀殘花

趣舒以明主簿入山二首

贈徐道人

韓承務過余求頌

祝大夫解房州印過山有頌次韻

贈祝大夫令人

早起作頌訪愚禪師

范機宜磨頭晝眠有作次其韻

送春

芍藥花開招大衆看

仲高留題轉物堂亦次其韻

感新荷

黃蝶

蒼蘂

百舌

嘲杜鵑

歸鴻

山間

石竹

聞故人來

聞杜鵑

示衆看花

訪韜光庵主不遇

寄呂善叔主簿

贈善公華嚴法師

贈呂無求縣丞約遊嵩少

贈毛雍王縣丞謝到山中

臣等謹按倚松詩集二卷宋饒節撰節字德操本撫州士人嘗為曾布客後與布書論新法不合乃祝髮為浮屠更名如壁挂錫靈隱晚主襄陽之天寧寺嘗作偈云閒攜經卷倚松立試問客從何處來遂號倚松道人集中詩大半為僧後所作呂本中稱其蕭散似潘邠老宋史藝文志倚松集十四卷今止存二

卷則闕佚者已多矣舊抄本卷末有慶元已未校官黃汝嘉重刊一行是宋刻已然又其卷首標目下別題江西詩派四字疑宋人刪擇編入江西詩派集中者後人不見全本因獨傳此而繕錄者尚仍其舊耳今刪其題字以符諸家專集之例云乾隆四十一年十月恭校上

總纂官

臣紀昀

臣陸錫熊

臣孫士毅

總校官臣陸費墀

欽定四庫全書

倚松詩集卷一

宋 饒節 撰

古詩上

李太白畫歌

先生之氣蓋天下當時流輩退百舍醉中咳唾落

一作雨

珠璣身後聲名滿夷夏青山木拱三百年今晨乃拜先生畫烏紗之中白紵袍岸巾攘臂方出邀神遊八極氣自穩冰壺玉斗霜風高鳴呼先生泰絕倫仙風道骨語

甚真肅然可望不可親懸知野鶴非雞羣天寶之初天子逸先生醉去不肯屈采石江頭明月出鼓棹酣歌志願畢只今遺像粉墨間尚有英風爽毛骨宣州長史粉黛工誰令寫此人中龍細看筆意有俯仰妙處果在阿堵中人云此畫世莫比吳侯得之喜不寐意侯所愛豈徒爾亦惜真才死泥滓先生朽骨如可起誰為獵之奉天子作為文章文聖世千秋萬古誦盛美再拜先生泪如洗振衣濯足吾往矣

送故人

秋風夜作萬馬聲草木自有離別情君行胡不卜春夏
況我抱病方鈴屨我生不祥憂患并行李四方影隨形
少年之氣追琢盡胸中獨抱渭與涇世人紛紛水火爭
我欲從之憊不能騎馬時尋故人舍掀髯抵掌意自傾
圖書萬卷相將迎座無凡兒眼更明惟酒無量與興會
我醉未去君經營不用賜金為解醒一月何必一日醒
此中萬事氣自寧勿語世人人不聽君今胡為忽戒行

使我此計墮杳冥君行瀟湘絕洞庭沙頭水落鼉夜鳴
想君抱恨寐輒驚起弔湘纍涕泪橫顧我胡為世網嬰
前行霜露後榛荆誰為傳之鳳凰翎與君方駕尋此盟

送傅仲默登第歸麻姑

謝安中年不堪別况我與子本末同臨川古郡著名數

麻姑且在邦域中

建昌舊屬臨川

與君同方復同術十年共度

蘼鹽日一身爛漫天地中萬里風霜今白髮南山之封
木拱矣此身萬事相終始何知遲暮猶羈旅夜語對床

輒三起君今先著祖生鞭我窮未辦買山錢君行啓我
方寸亂抱琴長歌聲徹天西風蕭蕭木脫葉表裏家山
落眉曉為語淮南大小山雖在侯門不彈鋏

送善權歸豫章

北斗以南好風土西山爽氣吞吳楚前輩風流固超絕
後生法像仍奇古道入久學祖師禪敗裙破衲今幾年
胷中秀氣磨未盡時出新詩皆可傳都城鼎鼎冠劍偉
井掃權門日中市道人香火辦寂莫有脚不踏公侯地

古來賢俊能幾何只今零落亦已多一見道人氣象是
蒲團斐几生春和我思伸眉向林莽未暇優游取卿相
扁舟今日與君別明朝夢落江湖上

石魚行贈靈壁張氏

磬石山中石無主百里厚坤不承土土人出石如出金
闕地及泉隧而取重重徹之如徹席凡材頑狠邱山積
中藏一板金王精定是陶鎔鬼神力黃鍾之律生於黍
近代縱橫不如古

近世定樂或以縱黍累尺黍大而尺長或以橫黍累尺黍細而尺短天

生此材豈苟然伐而用之百獸舞師襄入海工不精且
製嘉魚大小鳴大為王鮪施僧飯小為魴鰈依石屏君
家二尾儻遺我要喚兒曹坐睡醒

向居卿所藏靈壁石歌

靈壁之石妙天下竒姿異質窮變化時時好事獲寸尺
谷量牛馬未當價耐官丞相三代孫風流似是典刑存
心胷本無紈袴氣詩書漸洗膏粱昏邇來得石不盈尺
依稀尚帶莓苔迹氣象中含萬仞懸秀潤仍分千里碧

大江之南千萬山終日思歸行路難坐中一見此真骨
心折當年雨後天君不見黃金白壁驕侈本大官厚祿
方安穩少年趣駕迅如雷我欲追之墮車蹇年來老大
計轉拙一丘一壑興不淺儻君他日棄前魚南窓坐對
廬山遠

阿智歌

呂卿諸子森如蜩不作一作世間兒女氣封胡羯末自
行列麟鳳龜龍各異致小兒阿智甫七齡衮衮似欲無

諸兄踈眉秀目澹玉雪覆肝立壁開天庭自從諸兄授
孝經淋漓筆墨有典刑客來推席儼在庭舉頭揖客客
為驚吾知呂卿大源委黃河崑崙千萬里政令凡兒出
其中不扶而直麻生蓬況如此雛落落自奇偉出門汗

血當追風

一作少加芻
秣當追風

寄夏思道惠示縑帛

憶昔南方木葉下祝融逗留不退舍閭閻未簡卒歲材
明月滿門自宜夜而今身在天中央日月寒暑遵故常

西風今日我為政冥冥塵沙何可當浮雲倚勢不解事
濃陰數日釀秋思卧病但作仲卿泣載酒誰問子雲字
故人千里知我寒書來遺我帛數端揀絲織作經緯稱
長細廣幅尺度寬染人暴練勿設色衣被皎皎識君德

送梅郎一首

梅郎可愛如蜀柳風流似是子真後抱器來賓太學窮
五年自袖采蘭手來時落鴈搖虛弓汗血長鳴西北風
自誓壞韓復蠹魏可憐一無咫尺功我亦數奇困竿累

玉山冰川失眼底永嘉堂上聞阿連墮食正冠為君起
君今製衣作行具何以贈之白鷺羽殷勤持闕重似人
漠漠深藏飽魚蠹船頭逢逢奏曉鼓卷簾卧看春江雨
到家春溫鴈且北寄聲布帆無恙不

鄰居遺湯沐浴

都城甘水嗇於酒檐頭取飽得滿缶每憶江湖萬松底
夜半酒醒挽石斗如今長卿不滿喉豈有溫泉濯汗流
岑岑背若負芒刺每向一飯懷千憂君家有井金作欄

轆轤可取不可彈大奴分遺足一斛洗我塵垢生羽翰
人生生理易與耳輟洗為君起長歎

趙元達婦孕不育後數日其猶子生一女子二
子皆有戚戚之色戲作此詩開之

十年不見陳驚座二子相逢心亦可高帝子孫果隆準
杜陵先生豈欺我甘陵夫子孕不育世無元化操五毒
乳醫袖手輒寤生不藥而喜神所福君家阿濟王湛之姪願
未髯頗恨生子不生男人間久之古烈女世上多歎吾

兒凡應當有子問賢否弄璋弄瓦詩人口木蘭買馬替
爺征班昭嗣兄成漢表人生得此二子者安用癡兒鬧
昏曉況君各自富春秋有女如玉方好速必欲商瞿有
男子殷勤更問東家丘

贈陳侯一首

古人已朽不可作長安年少多嶽嶽太官五斗僅代耕
舒緩養高簡然諾陳侯氣穩天機精心胃開霽脫檢繩
只今冠佩奉朝請折節重士身自輕主人斗酒相逢迎

金尊玉槃紅燭明黃花開徹秋未了殘月挂簷霜氣清
氣吞百吏不足數滑稽巧中一座傾座客未用喜且愕
陳侯吏事復不惡簿書獄訟談笑了盜賊骨驚吏膽落
至今魯山駕車處會使齊兒畏朱博方今天子坐明堂
指麾夷狄如驅羊安得吏師如侯者上應列宿布四方
政治豈但幾成康

立之作詩譏僕沉浮於酒次韻答之

頽俗不可挽我思陳孟公胷中一噫

去聲

氣浩蕩滄海東

初余亦拙謀墮身尺度中昔為吾家駒今為客子蓬人
生百年耳過鳥歟無蹤何至自矛盾身與衆敵逢仲尼
固玄聖道大自不容落落少年場誰復識呂蒙古今一
邱貉同赴三尺封乃知常滿尊慰藉吾人窮君詩苦相
厄欲抗輒喪雄但恐百錢債負我葛陂龍

送彭淵才如北都

我學如水馬盡日忙不進結交有神奇所得盡豪俊十
年困三舍萬事到兩鬢風流半零落吾道或拘窘彭侯

南方來超妙

一作
意象

有遠韻落落澗壑姿倒屣解吾慍

中幾年讀正朔謹堯舜盤盂百家伎鉤致得幽蘊

一作
袖手

探其
蘊

夜半一商略氣與山嶽峻方洋及衛霍似是老行

陣崢嶸濟時術百未一見信自言窮達機默與寒暑運

功名蓋

一作
或

偶然未暇以身殉偉哉君子勇一語破幽

憤何時燈火底懷抱為吾盡

賦王立之家四梅

化工鑾六龍風雷共推軌談笑却冰雪吐嗟辦桃李紛

紛西園英轉眄即填委獨餘四種梅冰玉自標致豈爭
滕薛長未與管晏比微風挽寒條草木競披靡蠟梅異

一作妙

天質芳香輩

一作軋

蘭芷

蠟梅正如蠟為之樹絕不類梅其香正如蘭

多

葉羨無度勝韻洗貪鄙紅梅拂一作傳曉粧深淺自有體

單白亦閑淡冷艷照流水初如王謝郎雍容各簪履出

處豈皆同一一竟可喜此花固不凡俗眼自多昧栽培

或一遇得此輒遺彼君家獨兼有班壓萬紅紫况當頓

有前朝暇媚

一作麗

窓几我無筆五色為此了衆美安得

九轉丹暫起來陽史

春日飲王立之家同賦三頭牡丹依次定十韻

節得牡字

異時王公門使車駕四牡殊方仰吾父天子尊伯舅舒
遲入樞府易若屈伸肘風流未踈缺日月競奔走諸孫
以文嗣文字宗科斗英華被草木美成豈不久宜哉此
花瑞鼎立世無有綿力為君賦半夜飢腸吼尺寸窘吾
步豈復到淵藪翻然欲投筆大恐惠文糾

士大夫湛於不義雖窮極富貴君子過之弗顧
而況女子失身於委巷容笑之賤亦豈能自
拔哉吾友人賦歎息行有謂而作諸人既屬
和僕亦擬古樂府為辭傷之於其末開之以
正是亦詩人之志也

歎息復歎息丹砂為土玉為石誰家女兒妙無敵日日
當窓泪霑絢問之何思復何憶深顰欲語語不得回身
抱琴不回面清商自寫昭君怨朔風蕭蕭霜月懸萬里

胡沙鳴一鴈此聲此意太分明猶恐君侯未會情從頭
却欲為君說恐君斷腸君勿聽黃鶴一去已千里雉子
高飛亦能幾人生長短要自裁嗟爾此身今已矣刺刺
促促徒為爾

次韻劉無言遊法雲寺

磨蟻迭左右鐵炭互俯仰歲月如牧馬快驟脫羈鞅方
希草玄雄未羨畫眉陂劉侯啟予者險韻寫勝賞讀之
令人醒居然見圖像我昔曾此遊僧梵薦肝饗撞鐘鳴

木鯉破我顛倒想百年能幾許萬事苦鞅掌喪身聲利
場齒角伐犀象前輩曉雲散後生春水長君看門外轍
盛氣日來往道人初不省禪寂異到壤乃知雨花地可
以透迷網君侯此嘉集塵跡已相盪援琴寫我歎中夜
發哀響

為謝無逸賦陳氏貫時軒

西園拱羣木嚴霜損天和豈不惜嘉陰柰此風雨何青
青繫此君凡材不同科君知不同科何必葉與柯試看

一尺根節已倍身多故令卷籜中高韻不可摩陳侯定
可人厚禮為君羅視此種竹心知君減悲歌吾徒涉世
踈投足得詆訶何如雪月際對君自婆婆但無我履聲
與子相經過

次韻李二

李二黃安時同會黎介然
家介然置酒李二作此詩

道散士不守君子利為上交遊固竇灌父子亦歆向緊
我二三友日月共照臨殊鄉不殊習異族豈異心吾徒
拙身謀要是滄海客大材費我剪古樂難考擊相逢聊

解顏把酒聽軟語斷水洗垢病憂玉開未寤男兒生墮
地腳跡付九州不知誰主盟會此車與舟願畢已醉杯
竟比難得歡明朝黃子別離恨已闌干

次韻呂由義見贈之什兼簡若谷居仁

行年本數奇閱世復癡絕巉然寒餓表但未朋友缺晚
得二三子楚楚着行列家學有師法保身盡明哲堂皇
建鐘磬戶牖照玉雪白皙采蘭手未負如意鐵由來石
中璞不在苦分別當時偶一見頓使我心悅道喪古人

遠君子或降節狐裘儻羔袖豈待跼與梁若人苟相久
可以輔衰拙歡喜奏微吟聊嗣登歌闕

次韻劉時可劉將赴宣州幕

我客汴之濱夢寐大刀頭幸逢劉伯倫衣冠少其流胡
床白羽扇語穩氣不浮異時果下馬髣髴遍九州每思
張翰鱸為登王粲樓食貧節益苦異哉居拙謀宣州雖
多賢祿仕恐未優長女嫁及時大兒婚可求長才不自
獻澹與衆人儔君其吏隱歟吾亦滄海遊

次韻謝公定時夏均父招諸客泛舟遊百花洲

好事屢載酒扁舟每乘興況當秋氣清開我心若鏡風
漪盛寒綠日幹下脩影却從蒼翠中羨彼各飛泳翱翔
數仞翼白小一寸命微物有至樂此理須自領君侯靜
無譁敢以一豆請人生百年爾飛電作光景試看楹間
懸俯仰歲月永堂堂冠萊公祀事薦時餅吾徒豈不老
啖蔗入佳境況茲詩酒習已自破清淨聊須明月來褰
裳踏歸艇

灌蘭一首

往作蘭溪游步屨出林麓溪頭小雨竟溪水澹文縠嬋
媽幾叢秀臨流自結束曲折訪叢底初不露芬馥歸休
行結佩薄采未盈旬時遵微徑間幽然感清淑年來蠶
自縛投迹先擬足不意澳湔中見此二孤竹威威耐寒
苦繹繹輩杞菊似是溪頭裔相逢慰煩促一日不見之
鄙吝生眉目故將應書手抱甕助長觚孤根著土深稍
稍樹支族看渠吐胃中一洗桃李俗

約方時敏楊信祖二子同過王立之觀立之所

集前輩詩文各以姓賦詩

秋容散古原秋聲滿寒條幽人開曉夢喔喔雞戒朝騎
馬西南隅不知道里遙我行將何之我友昔見邀斯人
非世人與世不相聊幾年賦歸歟塞耳樹上瓢誰知翰
墨功百倍已蜀饒方楊妙天質兩玉不易招栗馬來會
盟此義久寂寥主人喜開尊盃穀初刻彫及乎啟丹臺
座上皆聞韶委積山海奇浩蕩江漢朝此園無郊封爛

漫各芻蕘歸來蒲深望老大猶虛驕

袁室詩王立之為宗子求

布穀作五更鷓鴣亦司辰田師遽束縕請火起近鄰耕
耘豈辭勞常虞秋計貧匱薄壟畝間努力不自珍秋風
落高原罷亞千頃雲公子豈知田得師自農人歸來坐
虛室却掃富貴昏架插河間書門引霍三賓勸耰耨墨
場寒窓澹爐熏六籍聖人師百家素王臣骯髒離騷經
妙語泣鬼神靈文陋咀楚高論追過秦泛覽四庫餘瓦

礫半珠蟻遊心領其要開卷得其人門前風作埃肥馬
走搢紳豈知歌鐘地辛苦事斯文懶夫江海士履聲遠
王門未暇到此室歸歟老斲輪

秋蚊行

秋蚊撲撲啄作花秋江噴薄卷舊沙魚肥兔賤年穀熟
田家八月生有涯羣翁坐社兒擊鼓酒一載行翁起舞
但得催科了眼前兒郎各自能辛苦

戲汪信民教授

汪侯思家每不寐顛倒裳衣中夜起豈惟蓐食窘僮奴
頗復打門攬鄰里涼風蕭蕭月在庭老夫醉着呼不醒
山僮奔走奉嘉客銅瓶汲井天未明

歸來怨

瓊株玉樹非凡根幽蘭紫芝種不繁誰家妙質傾春色
失身逋蕩依荊棘流蘓暗繞雲母屏棲魂不穩夜魘驚
歸來泣下繡時室漫漫此生身事畢

得交行贈王立之

世上紛紛走車轍交情回互作冷熱搢紳豈無鄙寄賣

山林謾有稽康絕我窮四方但

一作只

餬口一丘一壑志

未了

一作錦亭但有蘭亭草

得交天下能幾人直道如君可

一作得

偕老

雨小霽登南寺閣

登樓望四垂縮縮雨小休老木藤蔓活古殿金碧流浮
雲捲豈盡落日不可留無人相與語鸚鵡謾啾啾

上范謙叔左丞求退

老驥伏櫪志千里烈士暮年心不已不用悲歌擊唾壺
尚挾平戎獻天子書成未上忽自悟便逐道人林莽去
年來着脚古道場疾病魔人無屏處不過我公如古人
零落離披作風絮我公德量大如海太平天子待真宰
乞身莫待我公行早向千峰萬峰外

賦劉仲高高齋詩

先生言語妙天下向來太學傳芬芳當時品目入前輩
後生籍籍窺餘光立談一見便相可交無新舊合則章

別來幾何歲月忙我已三變變滄浪子才如許猶綠裳
宜參公卿升廟堂何為高齋尚翱翔懸知公意非自高
自高自聖渠作狂泰山北斗不自贊瓊株玉樹絕否臧
用則伊周冠百王直道而行氣益昌不用兩龔或退藏
直道而去括智囊用與不用俱徜徉使婦無禪非吉祥
世人言高不着本但欲困苦鄰飢飢不知舒卷重在我
尊為帝師初未妨先生年來力學道等觀窮達如炎涼
屈伸有命不足論要保胸中百鍊剛

永處庵詩為蔡仲志刑曹作

刑曹仕宦如客寄朱墨如山無况味平生燈火讀書心
便與衲僧同器類自從供職江上郡一月常勤五七問
向來書至乞庵名永處那伽表嘉遁世間萬事不挂眼
蒲團不動跏趺穩客至清談真老禪數枝霜竹伴幽韻

送莊季裕宣教

莊侯目如巖下電墮泪碑傍始相見松間經行倚松語
袖有普賢真行願

季裕以行願品作小
榜袖之隨處散帖

春風昨夜忽言

別楚兒恰恰耕殘雪野人無以贈君行山杏溪桃為君
說

送趙廉訪

飛來之峰可圖寫畫工搖筆不敢下玲瓏八面尚能摩
萬古冷泉那可畫趙公胷中有涇渭愛山自得山水意
向來與客到峰前亭上酌泉賞泉味我客峰邊一蔀室
闔門無事輒終日公來剝啄自敲門蹙解跣趺為公出
池上煙光初過雨巖花膠輶開無數曳杖惟愁猿狖驚

笑談復恐蛟龍怒聞道公歸朝玉京王事不敢寬作程
想公拜舞升天廷雍容奏議詳而明知公不獨稱安寧
疏民利害通民情吾君憂民精且誠願公中和輔太平

韓升之主簿惠示襄陽雜咏詩淳深高古吟諷
不置輒用最後書懷贈彥履韻以釋其意

刮磨習氣如洗爵惟餘好古情未薄向來詩軸入松門
便對屠門先大嚼吾儕事業如石田筆墨魔人妨夜眠
如公萬卷瘡不吐使者旁午誰見憐方今神武拓疆土

超擢賢才固其所莫歎簿書官祿微黃鐘大呂生一黍
張執權主簿同二知縣大夫入山作詩併以見

贈亦次其韻

我不學支公畜馬作戲劇道人不韻亦成癖又不學雲

巖常說老婆禪苦道熾然說墻壁歸來挈杖訪飲虹

此亭

在懸瀑之下尤為山中勝處

携詩過我三士同我喜坐之鵲壁峰下

視凜凜十八公諸人胷中何所有文字萬卷皆科斗平
生筆端自有口簿書透處時一吼白面王孫金作鞭憐

渠政遭富貴纏今朝此樂戒勿傳一笑蚊蟲空過前

青原臺詩

為錢大任
宣教作

五馬胷中足丘壑駐車決遣有餘樂似言新廣青原臺
不減滕王舊江閣滕王閣下當年路靜中懷抱時來去
聞說青原比像間表裏江山便知處使車時此携佳賓
與人同樂不同羣倚欄自得新詩句矯首長懷古道
人
青原親見曹溪祖渠有兒孫住山斧問公何處見青原
杳杳飛鴻掠雲去

來書云此臺大略似滕王閣臺在廬
陵望青原諸山青原即思禪師道場

贈道士張謙中

道人髭鬚似民部平生篆隸心獨苦世間筆墨一點

一作

一點筆墨

無駸駸氣象追千古道人得師在何許秦漢鼎彝

周石鼓若嶧山碑若詛楚二李而下初不數異時心醉

不窺園依繩作直規作圓一朝妙解

一作悟

古人意脫落

一作略

尺度誠其天嗟君絕藝世無敵勿示時流渠未識

我亦當年好古人推席為君三歎息

英遊閣詩

西湖氣欲吞吳楚山作重圍如捍虜回環樓閣駭魚龍
挺拔浮圖逼雲雨西湖英遊天下傳湖光山色當圭田
何須西土方為淨不待吳門自是仙雪花飛時妙無價
梅影橫斜端可畫荷氣薰人六月風月華徹底三秋夜
陰容霽色風且雨曉光暮碧寒代暑閣中氣象頃刻移
詩人不是無心賦竹閣使君遺跡空草堂居士但聞風
百年光景電劃水湖山無限生有窮愛君長才猶袖手
豈宜苦為湖山久君不見向來閣上舊遊人富貴功名

古無有

閣在杭州錢塘西湖上尉廳之前
蔡元長嘗作尉故後人名之

為卿曇輔作一枝庵詩

百年七萬二千飯

見胞胎經

檢校勞生豈無限
巍巍孰是真

丈夫應作已作所作辦不信窮通手翻覆自窮自通均

一作俱

不足窮思大厦千萬間
通或胡椒八百斛
道人不

與世俗俱一枝自占巢有餘
有時放杖據高梧
睨三

界如蘧廬春風數日到梅萼
吟遶寒香雪欲作歸來跌

坐尼師壇栢子煙消泉一勺

止止堂詩送仁禪者徧參

止止堂中一禪客五尺枯藤藏未得平生心膽闊古人
今復江南又江北昨夜霜風號古木玄猿啼寒星斗黑
傍家行脚有底難獨師大去吳王國君不見季子敝盡
黑貂裘歸來印佩六國侯

送慧林化士

王舍城中車馬塵霏霏似我澗底雲此塵可貴不可賤
中着功名富貴人上人衣帶雲霞色隨例塵中歸未得

祇園為有老作家
鬧市叢中自禪寂
向來禪律相錯居
空庭月作五日墟
市聲浩浩如灘瀨
誰信禪房靜有餘
道人要是白雲侶
紅塵不是安身處
未能隨我便那伽
早入千峰萬峰去

送不愚兄香嚴行

君不見香嚴之山
天下望何必楞伽
稱海上龍湫直下
一萬尺鵲崖突起
三千丈借問何人
出其中前有國師
後閑公中間有人
騎乳虎大雄敬樹
真卧龍山中壯氣

今重振堂上老人提舊印
晶明如住廣寒深淵泉自吸
滄溟盡兄今三十未為老
名利波濤拔身早向來自裂
子夏冠翻然使剡天然草如兄
勇銳世莫比誰與同生亦同死
只今文采尚未章人道香嚴有真子
隋河渾渾日夜流兄今倚柁到南州
南州水潔草如染自在為山水牯牛

鈍庵詩為印長老作

姑蘓昔是吳王國表裏湖山本充塞
吳王亡後臺觀空

只有湖山亡不得齋錢吳越又富足前身端受靈山囑
平生佛事滿東南上下君民總純熟阿師累世同此會
外家更是東南寂晚年髣髴傳雙林鄉里推高無與對
阿師四海老行脚偶向南陽露頭角他年欲識癡鈍人
髮長衲敝人誰覺

寄趙季成鈴轄

器之高誼已下世安當我友埋金沙倚松卧病無一錢
俗醫如山閭利多天寒歲暮山谷裏二老不作如我何

謂天蓋高不無意間生賢者為帝裔不容聲色眩耳目
但許詩書養梗柢少年所學無不有精研往往窮淵藪
不知用心能幾何妙悟自然絕師友德成而上藝為下
此言端為中流者須知豪傑蓋不然以德養藝斯又全
若分上下為優劣千金安得稱神仙德為本質藝其飾
表裏相資乃我德欲知公子志甚深已著千金追舊跡
世人有藝初無德為驕為傲為殘賊殺人取財不知懼
猶誇庸妄肆誕惑須知公子本無我一切有求無不可

平生高見隘古人焚棄經方見何左

殷中軍妙解經脉有常所給使忽叩

頭流血言有老母垂百歲抱疾已久乞浩一脉浩感老

其至意遂為診脉處方一劑便愈浩於是悉焚經方老僧年來學禹步跣躄鑒井不能去還丹一粒能幾何從

此游山不知處

送宋秀才

東風欲歸不可挽門前芳草青青遠倚松卧病不能行
肩輿出門還復懶先生家住岷峨下當年神授神仙卦
死生禍福如眼前從來鄉相爭稱借倚松卧病正無脚

袖出神方色閒暇我知公意事仁義不學世人事財利
無盡先生如古人一見先生愛其真幾年門下真子弟
付之萬事未嘗計或云公可為身謀先生一笑公何醉
倚松老矣世共憐公獨何心德如天從今藜杖儻能扶
山長水遠公能從我無

送江南景喜上人

我有平生雪色塵廉者不求貪不與明朝聊以贈君行
一炷沉煙夜深語丁寧佛法苦無多文房四物來作魔

大夫所作若未辦奈此崢嶸歲月何

次韻卿山主解嘲

道人竹瘦松栢剛飽更風雨慣雪霜堂堂自住一法界
豈與蕭艾相短長利刀割水風吹光以空壞空竟誰傷
君不見湖邊飛來兩白鷺終朝容與水雲鄉

豫章寶智上人持高子詩求和

我客飛來峰一室聊自適關門不敢開怒風退六鷁敲
門者為誰起我正禪寂稻麻竹葦中見此一英特手携

高子句按譜恣遊歷高子我舊遊仇俠不易得憶昔京
城隅王郎古遺直當時會合地爛漫存轍蹟繫君入社
晚感事一嗟惜安得賦歸堂尋盟合琮璧

贈卿書記

我室如逆旅塵坳被几席自是懶掃除初非護鼠跡比
室有道人高潔如玉璧時來相勞苦倚席笑啞啞道人
居若何純素勝金碧槃盂及几杖莫置有疆場青絲貫
湘竹秩秩間儒釋短長各部伍行列共繩尺試看岳中

蘭修葉淨如拭我亦捧心顰觸餅汙履烏乃知效子敗

古語不可易時當過師語輸寫盡胃臆師

一作君

言吐如

屑永語嗟嘖嘖問師

一作君

何所嗟吾道苦荆棘堂堂大

道場

一作皇皇苦提場

兒輩恣陵轢苞苴幸引援側媚乞朝夕

爭傳外道語盜履祖師闕狂瀾不可回妖氛一何逼栢

直尚乳臭唐儉安足惜世無磊落人口語謾籍籍豈無

真道師衆寡久不敵常恐碧眼胡西來苦無益道人僧

之傑老驥猶伏櫪安得大寶坊降魔掃妖癖

潤屋軒詩

層崖如立壁秀潤初欲溜下有癰道人異時妙基構為
山不為屋豈待吉日戊軒成玉滿家不減朱門富松篁
既崔錯雲霧亦臻湊霜威入松骨古滑咽泉竇谷風卷
簷回浩蕩金石奏騷騷烏夜啼鼎鼎雉朝雉時於藤蘿
中便捷一猿透客來坐胡床紙帳卷輕皺兒童敬杖屨
文史當俎豆微薰出小鼎長餅上虛甃此樂師一作有君
餘何為尚奔走記我識師一作君初昂昂野鶴瘦風姿入

清古氣象脫凡陋我遊山海間未獲一角獸如師能一作

亦君幾何不落餘子後師一作君如佳少年氣出萬夫右平

生千鈞弩要以一手殺雖未須眉蒼典刑已可候汲深
非短綆善舞屬長袖願君浚其源故道或可復功成歸
此軒趺坐了昏晝

錢塘清照律師芝草出其父墓上為作此詩

槃槃千丈松磅礴犯雲漢要為根所持龍蛇走斷岸英
英西洛花妙為天下冠根移枝可易人為過其半君看

此靈芝不與彼共貫超然自挺立初不賴根幹僅可種
而植朱門當爛漫胡為不可致圖畫空傳翫芝生在何
許可卜不待豕忠臣孝子家義夫烈士館吉事定有祥
豈是供好玩道人律之師父蠱雖不幹平生沙門行報
德已無算向來郭氏阡盛事傳里閭青青十畝陰手植
幾脫腕名和不吹律脩德自幽贊至今超山下百本益
璀璨亭亭卷雲濤濯濯立鵝鸛乃知天人間決定可覆
按野人為作詩誦實不敢贊

次韻呂無求同泛汴水

瑣瑣榆下錢貼貼水上鏡蝸牛共飲吸水馬競馳騁靜
中觀至妙度此春日永舟師挽且譁俚語相譏病勞逸
各有役不必盡乘興公緣升斗窮我訪山水勝雖云異
出處同是縛垢淨何當俱一掃歇此風中艇攜持少室
去從渠謂捷徑

無求約同為
嵩少之游

次韻呂居仁送李商老兼簡李去言兄弟諸同
參五首

歲月如翻江學道若農務道人競寸晷政以生死故耽
耽鷺闔池落落鶴警露瞥然忽一作中的優曇濯泥汙

何當

一作須

一鼓作姑置管城兔

其二

開門對南山萬物盡昭告自是君不領豈是君不好諸
人如驥子矯首萬里道援琴欲寫之促軫不能操請子

亦

一作試

停手趺坐西南奧

其三

同參如用兵各出不會期一將夜破敵諸將或未知如
何衛霍材局趣窺短籬軍儲有量數歲月未易支惟兵
不可宿早寄入塞詩

其四

角中拂彈棊

一作累丸
承秋蛸

運斤斲蠅翼當時未得妙豈暇

日入息譬如河漫流難以一簣塞飲食男女間嬉笑中

盜賊要須了

一作理

其原及此未曛黑

其五

李氏澤如海

李公擇
兒孫也

富此明月珠諸郎皆可人共出堯

舜途之子見我時抱負勤

一作
頻

髯奴江頭一再見凜凜

氣百夫贈

一作
錢

子伊字門不類城旦書

次韻答曾仲成二首

曾侯果勝流折節事膏火年來何轉窮正以工詩坐可
憐哭鬼句不救采薇餓平生九品祿團團螳旋磨歸來
卜我鄰步屨得相過劇談到理窟我義危欲墮世人富
貴忙此樂渠不那春山正可尋我行公亦可

其二

我老不能世百念久灰冷偶隨出山雲託跡斲人境借
問交遊人出處各形影某或李廣奇某或衛青幸如公
不世才跬步可臺省何為賦歸來欲近沃洲嶺夜半哦
公詩月寒心恹恹

養志堂詩為襄陽吳傳朋通判作

我思古丈夫出處各有意上焉不作名下亦豈為利周
旋進退間萬世作凡例吁嗟古人遠中夜輒三起老來

得賢侯氣象無乃是少年自挺立學問造嚴祕筆端挾
風雨麈尾握根柢問之為誰歟盛德有苗裔廣陵之外
孫右司公之子內師孟母賢外交天下士漸磨薰蒸到
成此不凡器年來貳襄陽豈為山水計政以承母心欲
覲淮源隧淮源日夜流墓木已拱矣母來拜墓門滿下
平生淚回頭語兒孫更酹墳前地我懷三十年一飯不
忘此惟誠通鬼神志願今乃遂兒身勉直道無貽墓中
愧寧為賴封人勿作魚梁吏到官闢高堂涓潔亦明麗

夜月進古几春盤供早薺爐薰事禪寂簡物薄滋味起
居飲食安其樂固洩洩毋身自教子子養母其志要當
并外家十幅作圖記大曾信知言名堂書是事更哦諸
人詩千古激彫敝

傳朋乃王逢原先生之外孫吳安中
右司之子曾伯容作養志堂記一時

名人皆
為賦詩

呂無求以詩堅同舟為嵩山之約次韻報之

我窮走四方瑣瑣知交態呂卿晚定交槁質賴沾溉筆
端有神竒胃次無疆界平生書畫船往往出光怪我非

張孝廉招呼許同載顧我念嵩洛如痞思一憶况飛西

北帆一枕千里快便當謀吉日恐負遊山債

一云少室非度嶺肯

負衣鉢債注云無求當許以懷禪衲衣見供故因以堅之

閱舊詩軸見夏均父和晁之道詩次其韻寄伯

容仲成均父諸友

往者少年日所慕韓伯休涉世更百難得交多勝流當
時回俗駕喘汗困萬牛晚看故曹耦半逝半乃侯侯者
朱其輪逝者卧荒邱荒邱不足悲朱輪或可羞翻然乃

自悟庶幾桑榆收朋儕競挽止一往只掉頭我豈築室
愚喋喋于道謀向來漢上行懸知計未優重念佛祖心
獨往恐不酬細看叢林敝百孔如破裘出有造請惡入
懷薪米憂雖云學道輩坦途多不由我欲獨挽之難哉
推陸舟歸來擁白雲草茅有前修誓不出山去三更林
莽秋寄聲二三友興來過我不

虛舟齋詩為王深叔作

人生一涉世波瀾渺無窮凡兒似得計兀兀自窮通惟

有盛名下頗招衆嫉攻開闢或延敵政使臧亦凶古人
故不爾山泉養正蒙我非阮嗣宗何時見阿戎濯濯春
月柳謾謾松下風似聞未着冠筆力百夫雄餘子窘不
足渠乃忌太豐比從道人遊警悟世諦中試觀名齋意
已見應世工聖賢在方策制行固不同惟有虛已遊萬
川同一東此名可書紳願言謹厥終

和周提刑樂歲詩

與還

老農終歲忙濯足不及骭豈無相勞苦穡事苦縈絆邇

來隣酒熟隔戶聞呼喚客至便為約此飲期達旦乃翁
起行酌瓦缶恣瀟漫一引未置之捋肘發屢歎嘗記秋
來雨似稱春餘旱旱憂年麥焦雨懼禾黍爛而今雨旱
解萬事皆畢幹僮非值時和未易了炊爨似聞使者賢
云似周十亂語竟復滿引抵掌笑秦漢

次韻酬潘庭立儀曹見贈之作

安仁可獨來連壁豈易得我老閔士久此士秀江國不
窺董生園頗割子魚席向來決勝地辟水湛寒碧幾年

富問學一道貫儒釋捉塵初不譁論正語明白哦詩咄
嗟辦妙韻出金石吾家妙喜師賞歎節屢擊夜堂明月
冷鼎足坐禪寂他年山中人盛事話疇昔

果道人屢聘不起用庭立韻作詩開之

百年過雷電誰喪復誰得邯鄲一枕夢蝸角兩戰國道
人脫世網便卷百丈席分明老胡髻髻眸子碧向來
數道場衆挽不容釋金言無自晦如反衣狐白道人笑
不答我心固匪石邇來燕雀豪頗須鷹隼擊達人有舒

卷大士等喧寂何當為衆起孰謂今非昔

元輝上人喜賦詩作東坡字蕭然有出塵之姿
渠亦用韻有作且乞詩為別因再次韻贈之

禪流筆墨戲好句亦時得譬如世佳人不必須傾國我
行百城時所至不暖席默求支許流常歎暮雲碧阿師
有典刑一見我心釋根源師璫可餘事窺元白叢林半
良窳初若泗濱石欲出金玉音不妨聊考擊致遠或恐
泥落華反枯寂口邊白醖去願子師古昔

修上人出覺範送行詩言別因次韻餞之

上人邱壑姿韻出餘子右已經老洪目云是江南秀訪
我白崖巔喘汙經層岫初無一日雅恍若十年舊胡床
氣未穩牙籤出深袖我居人跡絕特坐歲時久子來亦
遽去既別重回首招提送客還松戶閉春晝

望雞園詩

望雞天人供韻出芝菌表炎蒸夜過雨裂地出清曉根
株樹玉雪頂顙翬青縹羽衣散臯原鴻鴈集蘋蓼邂逅

遽擷取已盡首猶矯麻昉助芳烈薑菴戒煩擾取味俄
頃間薇蕨蓋其小吾生易與耳升合自可了聊為道人
劇五鼎端可少

用蔡伯世韻作詩寄之兼簡呂居仁兄弟十首
蔡侯材棟梁向來飽霜露十年林下思常恐庾塵汙

其二

人生落世故至寶墮深井儻無自拔計金玉謾弃屏

其三

至理本曠夷小道皆左僻信能彈指了可死不待夕

其四

松毛巧婦禽螺殼寄居蟲二物自廣大那知十方空

其五

百年固多變深谷或高岸要知悟破迷大似理易亂

其六

見彈已求炙亡羊猶補牢功成無早暮事竟等卑高

其七

君豈蔡子叔我非支道林何當速相就為子細徵心

其八

沉水博山爐積灰如雪霜何如坐三昧自薰成定香

其九

三世如旦暮四大轉風火儻能了無生如觀掌中果

其十

學道十萬衆得者一二稀寄聲故曹耦捨此將安歸

示故人

變化密移何太急
剎那念念一呼吸
八萬四千方便門
且道何門不可入
不入曉來微雨芭蕉濕
殷勤更問箇中人
門外堂堂相對立

次韻應銓詩

誰養山中雲館我
雲中寺山深雲常潤
出戶須芒屨可憐
雲外人過我一飯去

客舟

三界衆生俱是客
就中君是客中客
眼前何處非君家

莫道君家歸未得



倚松詩集卷一